

৬৮- সূরা আল-কালাম  
৫২ আয়াত, মক্কী



।। রহমান, রহীম আল্লাহর নামে ।।

১. নূন---শপথ কলমের<sup>(১)</sup> এবং তারা যা লিপিবদ্ধ করে তার,
২. আপনার রবের অনুগ্রহে আপনি উন্মাদ নন ।
৩. আর নিশ্চয় আপনার জন্য রয়েছে নিরবচ্ছিন্ন পুরস্কার,
৪. আর নিশ্চয় আপনি মহান চরিত্রের উপর রয়েছেন<sup>(২)</sup> ।

بِسْمِ اللَّهِ الرَّحْمَنِ الرَّحِيمِ  
ن وَالْقَلَمِ وَمَا يَسْطُرُونَ ﴿١﴾  
مَا أَنْتَ بِنِعْمَةِ رَبِّكَ بِمَجْنُونٌ ﴿٢﴾  
وَإِنَّ لَكَ لَأَجْرًا غَيْرَ مَسْهُورٍ ﴿٣﴾  
وَإِنَّكَ لَعَلَىٰ خُلُقٍ عَظِيمٍ ﴿٤﴾

- (১) মুজাহিদ বলেন, কলম মানে যে কলম দিয়ে যিকর অর্থাৎ কুরআন মজীদ লেখা হচ্ছিলো । [কুরতুবী] কলম সম্পর্কে রাসূলুল্লাহ সাল্লাল্লাহু আলাইহি ওয়া সাল্লাম-বলেন, “সর্বপ্রথম আল্লাহ তা’আলা কলম সৃষ্টি করে তাকে লেখার আদেশ করেন । কলম বলল, কি লিখব? তখন আল্লাহ বললেন, যা হয়েছে এবং যা হবে তা সবই লিখ । কলম আদেশ অনুযায়ী অনন্তকাল পর্যন্ত সম্ভাব্য সকল ঘটনা ও অবস্থা লিখে দিল ।” [মুসনাদে আহমাদ: ৫/৩১৭] অন্য হাদীসে রাসূলুল্লাহ সাল্লাল্লাহু আলাইহি ওয়া সাল্লাম বলেন, “আল্লাহ তা’আলা সমগ্র সৃষ্টির তাকদীর আকাশ ও পৃথিবী সৃষ্টির পঞ্চাশ হাজার বছর পূর্বে লিখে দিয়েছিলেন ।” [মুসলিম: ২৬৫৩, তিরমিযী: ২১৫৬, মুসনাদে আহমাদ: ২/১৬৯] কুরআনের অন্যত্রও এ কলমের উল্লেখ করা হয়েছে । বলা হয়েছে, “তিনি (আল্লাহ) কলমের সাহায্যে শিক্ষা দিয়েছেন” । [সূরা আল-আলাক: ৪] ।
- (২) আয়াতে উল্লেখিত, “মহৎ চরিত্র” এর অর্থ নির্ধারণে কয়েকটি মত বর্ণিত আছে । ইবনে আব্বাস রাদিয়াল্লাহু আনহুমা বলেন, মহৎ চরিত্রের অর্থ মহৎ দ্বীন । কেননা, আল্লাহ তা’আলার কাছে ইসলাম অপেক্ষা অধিক প্রিয় কোনো দ্বীন নেই । আয়েশা রাদিয়াল্লাহু আনহা বলেন, স্বয়ং কুরআন রাসূলুল্লাহ সাল্লাল্লাহু আলাইহি ওয়া সাল্লাম-এর “মহৎ চরিত্র” । অর্থাৎ কুরআন পাক যেসব উত্তম কর্ম ও চরিত্র শিক্ষা দেয়, তিনি সেসবের বাস্তব নমুনা । আলী রাদিয়াল্লাহু আনহু বলেন, “মহৎ চরিত্র” বলে কুরআনের শিষ্টাচার বোঝানো হয়েছে; অর্থাৎ যেসব শিষ্টাচার কুরআন শিক্ষা দিয়েছে । [কুরতুবী]  
রাসূলুল্লাহ সাল্লাল্লাহু আলাইহি ওয়া সাল্লামের নৈতিক চরিত্রের সর্বোত্তম সংজ্ঞা দিয়েছেন আয়েশা রাদিয়াল্লাহু আনহা । তিনি বলেছেন, কুরআনই ছিলো তার

৫. অতঃপর অচিরেই আপনি দেখবেন  
এবং তারাও দেখবে---
৬. তোমাদের মধ্যে কে বিকারগ্রস্ত<sup>(১)</sup> ।
৭. নিশ্চয় আপনার রব সম্যক অবগত  
আছেন কে তাঁর পথ থেকে বিচ্যুত  
হয়েছে এবং তিনি সম্যক জানেন  
তাদেরকে, যারা হিদায়াতপ্রাপ্ত ।
৮. কাজেই আপনি মিথ্যারোপকারীদের  
আনুগত্য করবেন না ।
৯. তারা কামনা করে যে, আপনি  
আপোষকামী হোন, তাহলে তারাও  
আপোষকামী হবে,
১০. আর আপনি আনুগত্য করবেন না  
প্রত্যেক এমন ব্যক্তির যে অধিক শপথ  
কারী, লাঞ্চিত,
১১. পিছনে নিন্দাকারী, যে একের কথা  
অন্যের কাছে লাগিয়ে বেড়ায়<sup>(২)</sup>,

فَسَبُّرٌ وَيُبَيِّرُونَ ۝

بَيْنَكُمْ الْمَفْتُونُ ۝

إِنَّ رَبَّكَ هُوَ أَعْلَمُ بِمَنْ ضَلَّ عَنْ سَبِيلِهِ  
وَهُوَ أَعْلَمُ بِالْمُهْتَدِينَ ۝

فَلَا تَطْعِ الْمُكَذِّبِينَ ۝

وَدُّوا لَوْ نَدُّهُمْ فَيَدُّهُمْ ۝

وَلَا تَطْعِ كُلَّ حَلَّافٍ مَّهِينٍ ۝

هَبْأَازِمَسَاءٍ يُسَيِّرُ ۝

চরিত্র । [মুসনাদে আহমাদ: ৬/৯১] আনাস রাদিয়াল্লাহু ‘আনহু বর্ণনা করেছেন, “আমি দশ বছর যাবত রাসূলুল্লাহর খেদমতে নিয়োজিত ছিলাম । আমার কোন কাজ সম্পর্কে তিনি কখনো উহ! শব্দ পর্যন্ত উচ্চারণ করেননি । আমার কোন কাজ দেখে কখনো বলেননি, তুমি এ কাজ করলে কেন? কিংবা কোন কাজ না করলে কখনো বলেননি, তুমি এ কাজ করলে না কেন? [বুখারী: ৬০৩৮, মুসলিম: ২৩০৯] রাসূলুল্লাহ সাল্লাল্লাহু আলাইহি ওয়া সাল্লাম-এর সত্তায় আল্লাহ তা’আলা যাবতীয় উত্তম চরিত্র পূর্ণমাত্রায় সন্নিবেশিত করে দিয়েছিলেন । তিনি নিজেই বলেন, “আমি উত্তম চরিত্রকে পূর্ণতা দান করার জন্যই প্রেরিত হয়েছি ।” [মুসনাদে আহমাদ: ২/৩৮১, মুস্তাদরাকে হাকিম: ২/৬৭০]

(১) مفتون শব্দের অর্থ এস্থলে বিকারগ্রস্ত পাগল । [বাগতী]

(২) কুরআন ও হাদীসের বিভিন্ন স্থানে যারা “পিছনে নিন্দাকারী, যে একের কথা অন্যের কাছে লাগিয়ে বেড়ায়” তাদের নিন্দা করা হয়েছে । তাদের সম্পর্কে কঠিন সাবধানবাণী শোনানো হয়েছে । এক হাদীসে রাসূলুল্লাহ সাল্লাল্লাহু আলাইহি ওয়া সাল্লাম বলেছেন,

১২. কল্যাণের কাজে বাধা দানকারী,  
সীমালঙ্ঘনকারী, পাপিষ্ঠ,

مَسَاءٍ لِّلْخَيْرِ مُعْتَدٍ ۝١٢

১৩. রুঢ় স্বভাব<sup>(১)</sup> এবং তদুপরি কুখ্যাত<sup>(২)</sup>;

عَتَلٌ بَعْدَ ذَلِكَ زَنِيٓٔ ۝١٣

১৪. এজন্যে যে, সে ধন-সম্পদ ও সন্তান-  
সন্ততিতে সমৃদ্ধশালী ।

أَنَّ كَانَ ذَا مَالٍ وَبَنِيٓٔ ۝١٤

১৫. যখন তার কাছে আমাদের আয়াতসমূহ  
তেলাওয়াত করা হয় তখন সে বলে,  
'এ তো পূর্ববর্তীদের কল্প-কাহিনী  
মাত্র ।'

إِذَا تُتْلَىٰ عَلَيْهِ آيَاتُنَا قَالَ أَسَاطِيرُ الْأَوَّلِينَ ۝١٥

১৬. আমরা অবশ্যই তার গুঁড়ু দাগিয়ে  
দেব ।

سَنَسِمُهُ عَلَى الْخُرُومِ ۝١٦

১৭. আমরা তো তাদেরকে পরীক্ষা  
করেছি<sup>(৩)</sup>, যেভাবে পরীক্ষা করেছিলাম  
উদ্যান-অধিপতিদেরকে, যখন তারা  
শপথ করেছিল যে, তারা প্রত্যয়ে  
আহরণ করবে বাগানের ফল,

إِنَّا بَلَّغْنَاهُمْ كَمَا بَلَّغْنَا أَصْحَابَ الْجَنَّةِ  
إِذْ أَقْسَمُوا الْبَصْرَ مِنْهَا مُضِحِينَ ۝١٧

১৮. এবং তারা 'ইন্শাআল্লাহ্' বলেনি ।

وَلَا يَسْتَتِنُونَ ۝١٨

“কান্তাত (যে একের কথা অন্যের কাছে লাগিয়ে বেড়ায় সে) জান্নাতে প্রবেশ করবে না ।” [বুখারী: ৬০৫৬]

(১) রাসূলুল্লাহ্ সাল্লাল্লাহু আলাইহি ওয়া সাল্লাম বলেছেন, “আমি কি তোমাদেরকে জান্নাতবাসীদের স্বভাব-চরিত্র সম্পর্কে জানাব না? প্রতিটি দুর্বল, যাকে লোকেরা দুর্বল করে রাখে বা দুর্বল হিসেবে চলে নিজের শক্তিমত্তার অহংকারে মত্ত হয় না, সে যদি কোন ব্যাপারে আল্লাহর কাছে শপথ করে বসে আল্লাহ্ সেটা পূর্ণ করে দেন। আমি কি তোমাদেরকে জাহান্নামবাসীদের চরিত্র সম্পর্কে জানাব না? প্রতিটি রুঢ় স্বভাববিশিষ্ট মানুষ, প্রচণ্ড কূপন, অহংকারী ।” [বুখারী: ৪৯১৮]

(২) কোন কোন বর্ণনায় এসেছে, رَبِّهِ বলে এমন লোক উদ্দেশ্য যার কানের অনেকাংশ কেটে লটকে রাখা হয়েছে যেমন কোন কোন ছাগলের কানের কর্তিত অংশ লটকে থাকে । [বুখারী: ৪৯১৭]

(৩) অর্থাৎ আমি মক্কাবাসীদের পরীক্ষায় ফেলেছি । [কুরতুবী]

১৯. অতঃপর আপনার রবের কাছ থেকে এক বিপর্যয় হানা দিল সে উদ্যানে, যখন তারা ছিল ঘুমন্ত ।

فَطَافَ عَلَيْهَا طَائِفٌ مِّن رَّبِّكَ وَهُمْ نَائِمُونَ ﴿١٩﴾

২০. ফলে তা পুড়ে গিয়ে কালোবর্ণ ধারণ করল ।

فَأَصْبَحَتْ كَالصَّرِيمِ ﴿٢٠﴾

২১. প্রত্যাষে তারা একে অন্যকে ডেকে বলল,

فَبَيَّنَّا دَرَأًا مُّصِيبِينَ ﴿٢١﴾

২২. ‘তোমরা যদি ফল আহরণ করতে চাও তবে সকাল সকাল তোমাদের বাগানে চল ।’

أَن اْعُدُّوا عَلٰى حَرْثِكُمْ إِن كُنْتُمْ صٰرِمِينَ ﴿٢٢﴾

২৩. তারপর তারা চলল নিশ্বস্বরে কথা বলতে বলতে,

فَانظُرُوا وَهُمْ يَخٰفَتُونَ ﴿٢٣﴾

২৪. ‘আজ সেখানে যেন তোমাদের কাছে কোন মিসকীন প্রবেশ করতে না পারে ।’

أَن لَّا يَدْخُلَهَا أَيُّومَ عَلَيْكُمْ مِّسْكِينٌ ﴿٢٤﴾

২৫. আর তারা নিবৃত্ত করতে সক্ষম---এ বিশ্বাস নিয়ে বাগানে যাত্রা করল ।

وَعَدَّوْا عَلٰى حَرْدٍ قٰدِرِينَ ﴿٢٥﴾

২৬. অতঃপর তারা যখন বাগানের অবস্থা দেখতে পেল, তখন বলল, ‘নিশ্চয় আমরা পথ হারিয়ে ফেলেছি ।’

فَلَنبَارِكُ وَأَوْهٰقًا لِّوَالِنَا الصّٰتُونَ ﴿٢٦﴾

২৭. ‘বরং আমরা তো বধিত ।’

بَلْ نَحْنُ مَحْرُومُونَ ﴿٢٧﴾

২৮. তাদের শ্রেষ্ঠ ব্যক্তি বলল, ‘আমি কি তোমাদেরকে বলিনি, এখনো তোমরা আল্লাহর পবিত্রতা ও মহিমা ঘোষণা করছ না কেন?’

قَالَ أَوْسَطُهُمْ أَلَمْ أَقُلْ لَّكُمْ لَوْلَا تُسَبِّحُونَ ﴿٢٨﴾

২৯. তারা বলল, ‘আমরা আমাদের রবের পবিত্রতা ও মহিমা ঘোষণা করছি, আমরা তো যালিম ছিলাম ।’

قَالُوا سُبْحٰنَ رَبِّنَا إِنَّا كُنَّا ظٰلِمِينَ ﴿٢٩﴾



৩৯. অথবা তোমাদের কি আমাদের সাথে কিয়ামত পর্যন্ত বলবৎ এমন কোন অঙ্গীকার রয়েছে যে, তোমরা নিজেদের জন্য যা স্থির করবে তাই পাবে?

أَمْ لَكُمْ أَيْمَانٌ عَلَيْنَا بِالْعَهْدِ إِلَى يَوْمِ الْقِيَامَةِ  
إِنَّ لَكُمْ لِمَا تَعْتَكُمُونَ ﴿٣٩﴾

৪০. আপনি তাদেরকে জিজ্ঞেস করুন তাদের মধ্যে এ দাবির যিম্মাদার কে?

سَلِّمْهُمْ أَيُّهُمْ بِذَلِكَ رَعِيكُمُ ﴿٤٠﴾

৪১. অথবা তাদের কি (আল্লাহর সাথে) অনেক শরীক আছে? থাকলে তারা তাদের শরীকগুলোকে উপস্থিত করুক---যদি তারা সত্যবাদী হয়।

أَمْ لَهُمْ شُرَكَاءُ فَمَا يُؤْتُوا مِنْهُمْ كَاتِبِينَ  
صَادِقِينَ ﴿٤١﴾

৪২. স্মরণ করুন, সে দিনের কথা যেদিন পায়ের গোছা উন্মোচিত করা হবে<sup>(১)</sup>, সেদিন তাদেরকে ডাকা হবে সিজ্দা করার জন্য, কিন্তু তারা সক্ষম হবে না;

يَوْمَ يُكْشَفُ عَنْ سَاقٍ وَيُدْعَوْنَ إِلَى  
السُّجُودِ فَلَا يَسْتَطِيعُونَ ﴿٤٢﴾

৪৩. তাদের দৃষ্টি অবনত, হীনতা তাদেরকে আচ্ছন্ন করবে অথচ যখন তারা নিরাপদ ছিল তখন তো তাদেরকে ডাকা হত সিজ্দা করতে।

خَاشِعَةً أَبْصَارُهُمْ تَرْهُفُهُمْ ذَلَّةٌ وَقَدْ كَانُوا  
يُودَعُونَ إِلَى السُّجُودِ وَهُمْ سَالِمُونَ ﴿٤٣﴾

(১) আয়াতে বলা হয়েছে, “যেদিন পায়ের গোছা উন্মোচিত করা হবে”। পায়ের গোছা উন্মোচিত করার এক অর্থ অবস্থা কঠিন হওয়াও হয়। আর তখন অর্থ হবে, যেদিন মানুষের অবস্থা অত্যন্ত কঠিন হবে। [বাগতী; ফাতহুল কাদীর] কিন্তু এ আয়াতের তাফসীরে সহীহ হাদীসে স্পষ্ট এসেছে যে, এখানে মহান আল্লাহর “পায়ের গোছা” বোঝানো হয়েছে। আবু সাঈদ খুদরী রাদিয়াল্লাহু ‘আনহু বলেন, রাসূলুল্লাহ সাল্লাল্লাহু আলাইহি ওয়া সাল্লাম বলেছেন, “আমাদের রব তাঁর পায়ের গোছা” অনাবৃত করবেন, ফলে প্রতিটি মুমিন নর ও নারী তাঁর জন্য সিজদাহ করবেন। পক্ষান্তরে যারা দুনিয়াতে প্রদর্শনোচ্ছা কিংবা গুনানোর উদ্দেশ্যে সিজদাহ করেছিল, তারা সিজদাহ করতে সক্ষম হবে না। তারা সিজদাহ করতে যাবে কিন্তু তাদের পিঠ বাঁকা হবে না।” [বুখারী: ৪৯১৯]

৪৪. অতএব ছেড়ে দিন আমাকে এবং যারা এ বাণীতে মিথ্যারোপ করে তাদেরকে, আমরা তাদেরকে ক্রমে ক্রমে ধরব এমনভাবে যে, তারা জানতে পারবে না।

فَذَرْنِي وَمَنْ يُكَلِّبُ بِهِدَا الصَّٰدِقَاتِ  
سَنَسْتَدْرِجُهُمْ مِنْ حَيْثُ لَا يَعْلَمُونَ ﴿٤٤﴾

৪৫. আর আমি তাদেরকে সময় দিয়ে থাকি, নিশ্চয় আমার কৌশল অত্যন্ত বলিষ্ঠ।

وَأْمَلِي لَهُمْ لَنْ كَيْدِي مَتِينٌ ﴿٤٥﴾

৪৬. আপনি কি তাদের কাছে পারিশ্রমিক চাচ্ছেন যে, তা তাদের কাছে দুর্বহ দণ্ড মনে হয়?

أَمْ سَأَلْتَهُمْ أَجْرًا فَهُمْ مِنْ مَّغْرَمٍ مُتَّقِلُونَ ﴿٤٦﴾

৪৭. নাকি তাদের কাছে গায়েবের জ্ঞান আছে যে, তারা তা লিখে রাখে!

أَمْ عِنْدَهُمُ الْغَيْبُ فَهُمْ يَكْتُبُونَ ﴿٤٧﴾

৪৮. অতএব আপনি ধৈর্য ধারণ করুন আপনার রবের নির্দেশের অপেক্ষায়, আর আপনি মাছওয়ালার ন্যায় হবেন না, যখন তিনি বিষাদ আচ্ছন্ন অবস্থায় আহ্বান করেছিলেন<sup>(১)</sup>।

فَاصْبِرْ لِحُكْمِ رَبِّكَ وَلَا تَكُنْ كَصَٰحِبِ الْهُوتِ  
إِذْ نَادَىٰ وَهُوَ مَكْظُومٌ ﴿٤٨﴾

৪৯. যদি তার রবের অনুগ্রহ তার কাছে না পৌঁছত তবে তিনি লাঞ্ছিত অবস্থায় নিষ্কিঞ্চ হতেন উনুজ প্রাপ্তরে।

لَوْلَا أَنْ تَدَارَكَهُ نِعْمَةٌ مِنْ رَبِّهِ لَنُبِيَ بِالْعُرَىٰ  
وَهُوَ مَكْظُومٌ ﴿٤٩﴾

৫০. অতঃপর তার রব তাকে মনোনীত করে তাকে সৎকর্মপরায়ণদের অন্তর্ভুক্ত করলেন।

فَاجْتَبَاهُ رَبُّهُ فَجَعَلَهُ مِنَ الصَّٰلِحِينَ ﴿٥٠﴾

(১) পবিত্র কুরআনের অন্যত্র এ ঘটনার বিস্তারিত বিবরণ দেয়া হয়েছে। বলা হয়েছে, মাছের পেটের এবং সাগরের পানির অন্ধকারে ইউনুস আলাইহিস সালাম উচ্চস্বরে এ বলে প্রার্থনা করলেনঃ তোমার পবিত্র সত্তা ছাড়া আর কোন সত্য ইলাহ নেই। আসলে আমি অপরাধী। আল্লাহ তা'আলা তার ফরিয়াদ গ্রহণ করলেন এবং তাকে এ দুঃখ ও মুসিবত থেকে মুক্তি দান করলেন। [সূরা আশ্শিয়া: ৮৭-৮৮]

৫১. আর কাফিররা যখন কুরআন শোনে  
তখন তারা যেন তাদের তীক্ষ্ণ দৃষ্টি  
দ্বারা আপনাকে আছড়ে ফেলবে এবং  
বলে, 'এ তো এক পাগল।'
৫২. অথচ তা<sup>(১)</sup> তো কেবল সৃষ্টিকুলের  
জন্য উপদেশ।

وَأَن يَّكَذِّبُوا الَّذِينَ كَفَرُوا وَالَّذِينَ كَفَرُوا بِأَبْصَارِهِمْ لَنَنَّا  
سِعُوا الذِّكْرَ وَيَقُولُونَ إِنَّهُ لَمَجْنُونٌ ﴿٥١﴾

وَمَا هُوَ إِلَّا ذِكْرٌ لِلْعَالَمِينَ ﴿٥٢﴾

(১) এখানে 'তা' বলে অধিকাংশ মুফাসসিরের মতে কুরআন বোঝানো হয়েছে। তবে কোন কোন মুফাসসির বলেন, এখানে 'তা' বলে রাসূলুল্লাহ সাল্লাল্লাহু আলাইহি ওয়া সাল্লামকে বোঝানো হয়েছে। অথচ দু'টি অর্থই এখানে হতে পারে। কুরআন যেমন সমস্ত সৃষ্টিজগতের জন্য উপদেশ তেমনি রাসূলুল্লাহ সাল্লাল্লাহু আলাইহি ওয়া সাল্লামও সমস্ত সৃষ্টিজগতের জন্য উপদেশ ও সম্মানের পাত্র। [কুরতুবী]